



N° 7746
Entrée le 10.03.2023
Chambre des Députés
Déclarée recevable
Président de la Chambre des Députés
(s.) Fernand Etgen
Luxembourg, le 10.03.2023

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 10/03/2023

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Sozialversécherung weiderzeleeden.

Persounen mat geréngem Akommes kënnen ënnert bestëmmte Konditiounen vum Tiers payant social profitéieren. An deem Fall ginn hier Rechnungen beim Dokter an Zänn Dokter direkt vun der CNS iwwerholl an d'Sue mussen net virgestreckt ginn. Déi Betraffe kréien dofir speziell Etiketten, déi si beim Dokter kënnen ofginn an déi op hier Rechnungen gepecht ginn. Esou etiketéiert Rechnungen kënnen dann vun den Dokteren un d'CNS geschéckt ginn, wou d'Rechnungen da beglach ginn.

An deem Zesammenhang wéilt ech dem Minister dës Froe stellen:

1. Wéi vill Persounen hunn iwwert dës Wee an de leschte 5 Joer vum Tiers payant social gebrauch gemaach?
2. Sinn d'Dokteren obligéiert d'Etikette vum Tiers payant social unzehuelen oder kënnen si eng Behandlung refuséieren, wann de Patient seet, hie wéilt vum Tiers payant social gebrauch maachen?
3. Wéi laang huet et an der Moyenne pro Mount an de leschten zwéi Joer gedauert, bis d'Dokteren hir Rechnungen rembourséiert kruten?

Mat déiwem Respekt,

CLEMENT Sven
Deputéierten



www.piraten.lu



Äntwert vum Här Minister fir sozial Sécherheet op d'parlamentaresch Fro n°7746 vum 10. Mäerz 2023 vum honorabelen Deputéierten Här Sven Clement iwwer den Tiers payant social

1) Wéi vill Persounen hunn iwwert dës Wee an de leschte 5 Joer vum Tiers payant social gebrauch gemaach?

Am Joer 2018 hunn 4 757 Versécherter vum Tiers payant social (TPS) Gebrauch gemaach an am Joer 2022 waren et der 6 226. Dës entsprécht enger Hausse vun 30,9% op 5 Joer. Op de Joren 2018 bis 2022 hunn pro Joer ongeféier 0,6% vun allen Krankeversécherter op den TPS zeréckgegraff. D'Majoritéit vun de Leeschtungen déi iwwert den TPS bezuelt gi sinn, betrëfft Behandlungen vu Generalisten a Spezialisten.

Tableau 1: Unzuel un Versécherter, déi vum Tiers payant social Gebrauch gemaach hunn vun 2018 bis 2022

	2018	2019	2020	2021	2022
Unzuel un Versécherter	4 757	5 329	5 478	6 007	6 226

Quell : CNS, CCSS, Berechnung IGSS.

2) Sinn d'Dokteren obligéiert d'Etikette vum Tiers payant social unzehuelen oder kënnen si eng Behandlung refuséieren, wann de Patient seet, hie wéilt vum Tiers payant social gebrauch maachen?

Den Artikel 24, Alinea 2 vum Code vun der sozialer Sécherheet beseet dass « *La prise en charge directe est encore accordée en cas d'indigence de la personne protégée dûment documentée par une attestation établie par l'office social en charge, suivant les modalités déterminées par les dispositions statutaires et conventionnelles.* »

Laut dem Artikel 3 vun der Kaderkonventioun vum 28. Dezember 2012 tëscht dem Staat an der Gesondheetskeess, applizéiert den TPS sech op d'Prestatiounen déi an der Nomenclature vun den Dokter an den Zäandokteren virgesi sinn, ënnert der Viraussetzung dass déi legal Dispositiounen déi a Kraaft sinn, respektéiert ginn.

Fir d'Doktere beseet den Artikel 60, Punkt 1), Buschtaf f) vun der ëmgeännerter Konventioun vum 13. Dezember 1993 tëscht der Gesondheetskeess an der AMMD (Association des médecins et médecins-dentistes) folgendes:

« *La procédure de paiement direct par l'assurance maladie, dite procédure du tiers payant, est appliquée dans les cas limitativement énumérés ci-après :*

1) *Pour les honoraires correspondant aux prestations énumérées ci-dessous:*

[...]

f) *les prestations mises en compte conformément à l'article 67bis de la présente convention à une personne bénéficiaire du tiers payant social.* »



Et ass ze präziséieren, dat de besoten Artikel vun der Konventioun en Ënnerscheed tëscht dem « *Tiers payant obligatoire* » an dem « *Tiers payant facultatif* » mëscht an dass den « *Tiers payant social* » dem « *Tiers payant obligatoire* » ënnerläit.

Den Artikel 67bis, Paragraph 1 vun der Konventioun tëscht der CNS an der AMMD beseet dass « *Le mode de prise en charge directe prévu à l'article 24 alinéa 2 du Code de la sécurité sociale dont le bénéfice peut être accordé à une personne sur décision d'un office social après application des législations et réglementations organisant l'aide sociale est désigné sous la terminologie « Tiers payant social ».*

Lorsque le médecin visé par la présente convention est amené à dispenser des soins à une personne disposant d'une attestation de tiers payant social et d'une étiquette, documents qui doivent correspondre aux modèles prévus dans le cahier des charges visé à l'article 18 de la présente convention, il met en compte les honoraires afférents directement à la Caisse nationale de santé, sous réserve de ce qui suit: [...]. »

Et geet also ervir dass d'Doktere souwéi d'Zänn Dokteren de System vum TPS bei de Persounen, déi d'Attestatioun vum TPS souwéi d'Etikette vum Office sociale virweisen, müssen uwenden, soubal dës zougestëmmt hunn d'Persoun ze behandelen.

3) Wéi laang huet et an der Moyenne pro Mount an de leschten zwee Joer gedauert, bis d'Dokteren hir Rechnunge rembourséiert kruten?

Am Prinzip, ginn d'Rechnungen déi am TPS viséiert a net kontestéiert gi sinn, ee mol pro Mount vun der Gesondheetskeess ausbezueelt.

Am Kader vun der Digitalisatioun wäert et awer an der Zukunft technesch méiglech sinn, direkt déi Montanten, déi geschellt sinn, méi séier ze iwwerweisen. Et ass nämlech virgesinn, den TPS an de PID an der Zukunft technesch op e neen ofzestëmmen. Doduerch kéint dann de Beneficiaire vum TPS eng komplett Prise en Charge kréien an den Dokter géif dee Moment direkt seng Sue kréien. Den Deel, deen dann iwwer den Office social bezueelt gëtt, gëtt ewéi elo och dann un d'CNS iwwerweisen déi dësse Mount jo virgestreckt huet.

Lëtzebuerg, den 11. Abrëll 2023

De Minister fir sozial Sécherheet

(s.) Claude Haagen